

**სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების
განსახორციელებლად შექმნილი სატენდერო კომისიის სხდომის
ოქმი №1**

ქ. თბილისი

18 დეკემბერი 2019 წელი

სხდომას უძღვებოდა:

ზვიად როსტომაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორი - კომისიის თავმჯდომარე;

სხდომას ესწრებოდნენ:

მამია მორალიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის პირველი მოადგილე - კომისიის წევრი;

ირმა ხუფენია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ - ადმინისტრაციის უფროსი - კომისიის წევრი;

მამუკა ბერიძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ ეკონომიკური სამსახურის უფროსი - კომისიის წევრი;

ლელა სვიმონია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ პროექტის კოორდინატორი;

სატენდერო კომისიის აპარატის წევრები:

ზვიად როსტომაშვილი - აპარატის ხელმძღვანელი;

დავით მესხიშვილი - აპარატის წევრი;

ნინო გლოველი - აპარატის წევრი;

სხდომას არ ესწრებოდა:

გიორგი თინაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

დღის წესრიგი: სსიპ საგანმანათლებლო და სამეცნიერო ინფრასტრუქტურის განვითარების სააგენტოს 2020 წლის სახელმწიფო ბიუჯეტის დაფინანსების ფარგლებში შშმ და სსსმ სტატუსის მქონე მოსწავლეების სატრანსპორტო მომსახურების შესყიდვის მიზნით სატენდერო განცხადებისა და სატენდერო დოკუმენტაციის პროექტის განხილვა/დამტკიცება.

აღწერილობითი ნაწილი:

2019 წლის 09 დეკემბრის N1678442 სამსახურებრივი ბარათის საფუძველზე, დაიწყო ბაზრის კვლევა 2019-2020 სასწავლო წლის მეორე სემესტრის განმავლობაში, თბილისის რაიონების საჯარო სკოლის შშმ და სსსმ სტატუსის მქონე მოსწავლეების ტრანსპორტირების უზრუნველყოფასთან დაკავშირებით. აღნიშნული შესყიდვით, სააგენტო უზრუნველყოფს თბილისის 5 საჯარო სკოლის (N198, N176, N200, N202 და N203) შშმ და სსსმ სტატუსის მქონე მოსწავლეების ტრანსპორტირებას. 5 საჯარო სკოლიდან 3 საჯარო სკოლის (N198, N200 და N176) შშმ და სსსმ სტატუსის მქონე მოსწავლეები, ასევე არიან ეტლით მოსარგებლები, რომელთა ტრანსპორტირებას სჭირდება სპეციალურად აღჭურვილი ტრანსპორტი. ზემოაღნიშნულიდან გამომდინარე, მიზანშეწონილია დანართი დაიყოს ორად და ცალკე განხორციელდეს სატრანსპორტო მომსახურების შესყიდვა სკოლებისთვის, სადაც სხვა სსსმ და შშმ ბავშვებთან ერთად სწავლობენ ეტლით მოსარგებლე მოსწავლეები და ცალკე სკოლებისთვის, სადაც

სწავლობენ შშმ და სსსმ სტატუსის მქონე მოსწავლეები, მაგრამ არ საჭიროებენ სპეციალური ტრანსპორტით უზრუნველყოფას. ყოველივე ზემოაღნიშნულის გათვალისწინებით, მიზანშეწონილია ხელახლა ჩატარდეს ბაზრის კვლევა.

2019 წლის 16 დეკემბრის N1719338 სამსახურებრივი ბარათის საფუძველზე, ჩატარდა განმეორებითი ბაზრის კვლევა 2019-2020 სასწავლო წლის მეორე სემესტრის განმავლობაში, თბილისის რაიონების საჯარო სკოლის შშმ და სსსმ სტატუსის მქონე მოსწავლეების ტრანსპორტირების უზრუნველყოფასთან დაკავშირებით. აღნიშნული შესყიდვით, სააგენტო უზრუნველყოფს ჯამში თბილისის 5 საჯარო სკოლის (N198, N176, N200, N202 და N203) შშმ და სსსმ სტატუსის მქონე მოსწავლეების ტრანსპორტირებას (სამსახურებრივი ბარათი N1726819 – 18/12/2019).

2019 წლის 18 დეკემბრის N1726819 სამსახურებრივი ბარათის საფუძველზე ირკვევა, რომ კვლევაში მონაწილეობა მიიღო და დადგენილ ვადაში შემოთავაზება წარმოადგინა მხოლოდ ერთმა კომპანიამ, რომლის მიერ წარმოდგენილი ღირებულება თბილისის N203 და N202 სკოლების შემთხვევაში შეადგენს 337 120 ლარს, ხოლო თბილისის N176, N198 და N200 სკოლების (სადაც სწავლობენ ეტლით მოსარგებლე მოსწავლეები) შემთხვევაში 368 970 ლარს (სამსახურებრივი ბარათი N1727617 – 18/12/2019).

სამოტივაციო ნაწილი:

ამდენად, სატენდერო კომისიას მიზანშეწონილად მიაჩნია გათვალისწინებულ იქნას 2019 წლის 16 დეკემბრის N1719338, 2019 წლის 18 დეკემბრის N1726819 და N1727617 სამსახურებრივი ბარათებით წარმოდგენილი პირობები და შესყიდვის ობიექტის სავარაუდო ღირებულებები.

კომისიის მიერ აგრეთვე განხილულ იქნა პრეტენდენტის გამოცდილებისა და კვალიფიკაციის შესფასების მიზნით შესრულებული მომსახურების თაობაზე ინფორმაციისა და შესრულების დამადასტურებელი დოკუმენტაციის წარმოდგენის მოთხოვნის სატენდერო დოკუმენტაციაში გათვალისწინების საკითხი.

შესაბამისად, კომისიას მიზანშეწონილად მიაჩნია სატენდერო დოკუმენტაციაში ინფორმაცია გამოცდილების შესახებ განისაზღვროს შემდეგი სახით: „ტენდერში მონაწილეობის მსურველს ბოლო 5 წელიწადში, მინიმუმ ორი წელი უნდა ჰქონდეს განხორციელებული ავტოსატრანსპორტო საშუალებით მგზავრთა გადაყვანის მომსახურება წელიწადში სატენდერო ღირებულების არანაკლებ 50%-ის ოდენობით. აღნიშნული უნდა დადასტურდეს გაფორმებული ხელშეკრულებებითა და შესაბამისი მიღება-ჩაბარების აქტებით“.

დადგინეს:

1. 2019-2020 სასწავლო წლის მეორე სემესტრის განმავლობაში შშმ და სსსმ სტატუსის მქონე მოსწავლეების სატრანსპორტო მომსახურების შესყიდვის მიზნით გამოცხადდეს ორი ელექტრონული ტენდერი აუქციონის გარეშე შემდეგი სავარაუდო ღირებულებების შესაბამისად: ქ. თბილისის N203 და N202 სკოლები - 337 120 ლარი, ხოლო ქ. თბილისის N176, N198 და N200 სკოლები (სადაც სწავლობენ ეტლით მოსარგებლე მოსწავლეები) - 368 970 ლარი.

2. „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად, ზემოაღნიშნული შესყიდვა განხორციელდეს აუქციონის გარეშე ელექტრონული ტენდერ(ებ)ის საშუალებით.

3. პრეტენდენტის გამოცდილებისა და კვალიფიკაციის შესფასების მიზნით მომსახურების გამოცდილების დასადასტურებლ და პრეტენდენტისადმი წაყენებული მოთხოვნა ჩამოყალიბდეს შემდეგნაირად: „ტენდერში მონაწილეობის მსურველს ბოლო 5 წელიწადში, მინიმუმ ორი წელი უნდა ჰქონდეს განხორციელებული ავტოსატრანსპორტო საშუალებით მგზავრთა გადაყვანის მომსახურება წელიწადში სატენდერო ღირებულების არანაკლებ 50%-ის ოდენობით. აღნიშნული უნდა დადასტურდეს გაფორმებული ხელშეკრულებებითა და შესაბამისი მიღება-ჩაბარების აქტებით“.

4. დამტკიცდეს სატენდერო დოკუმენტაცია და განცხადების ტექსტი;

5. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 60170000 - სამგზავრო სატრანსპორტო საშუალებების დაქირავება მძღოლთან ერთად.

კომისიის თავმჯდომარე:




ზვიად როსტომაშვილი

კომისიის წევრები:



გიორგი შალუტაშვილი

მამია მორალიშვილი



ირმა ხუფენია

მამუკა ბერიძე



ლელა სვიმონია

აპარატის წევრი:



დავით მესხიშვილი



ნინო გლოველი